



Hoërskool McLachlan

Posbus 3
Joubertina
6410



042-273-1335
042-273-1210
info@hsmclachlan.co.za
www.hsmclachlan.co.za

NUUSBRIEF 23/02 2018

Geagte Ouers/Voogde

1. **Bedankings:**

- Baie dankie aan al die ouers en leerders wat betrokke was met die aanbied van die Valentynsdans op 16 Februarie. Die aand was 'n groot sukses en die saal het pragtig gelyk. Met sulke entoesiastiese en talenvolle ouers en leerders sien ons met groot opgewondenheid uit na die res van die jaar se aktiwiteite.
Groot dank aan die bestuur van Diner R62 vir die borgskap van die gelukkige trekking. Dit word opreg waardeer.
- 'n Groot dank aan Oscar Motors vir die vervoer van ATKV-benodighede.

2. **Fondsinsamelingsprojek – Granor Passi:**

Hoërskool McLachlan loods in 2018 die Granor Passi-projek. Langkloofprodusente kan vrugte by die saphabriek onder Hoërskool McLachlan se naam lewer. Die nommer waaronder u dit moet lewer, is 0019. Hierdie is 'n geleentheid vir die boerderygemeenskap om die skool te ondersteun. Ons skool het baie finansiële uitdagings en weet dat u met hierdie projek 'n groot verskil kan maak. Die inkomste van die projek sal direk deur Granor Passi in McLachlan se rekening inbetaal word.

Ons moedig produsente aan om aan hierdie projek deel te neem en sodoende 'n verskil te maak aan ons kinders se toekoms by Hoërskool McLachlan. Die skool is die hart van die gemeenskap en met u bydrae sal ons die voortbestaan van die skool kan verseker.

3. **Graad 5- en 6-VCSV-kamp: 2 – 4 Maart 2018:**

Daar word 'n heerlike Gr 5- en 6-kamp te Jeffreysbaai VCSV-kampterrein vir al ons streek se leerders aangebied. Met 'n avontuurlike tema gaan ons kinders op 'n besondere wyse geestelike groei en ontwikkeling op 'n speel-en-leer-metode ervaar.

Koste beloop R420 plus R60-busgeld. Inskrywingsvorme kan by klasonderwysers inbetaal word voor of op Maandag, 26 Februarie. Die kamp begin Vrydag om 16:00 en duur tot Sondag om 11:30.

4. **Paasvakansie #Imagine 2018**

Die 5de landswye #Imagine 2018 word gedurende die April-vakansie vir al ons hoërskoolleerders aangebied. Die Oos-Kaapjeug trek by Mentorskraal te Jeffreysbaai saam vanaf Vrydag, 6 April, tot Sondag, 8 April. Duisende tieners kom vir 'n naweek van aanbidding, lewensverrykende ervarings en die bou van 'n beter Suid-Afrika saam.

Dis 'n grootse jeugfees met 'n unieke uitkampkarakter waartydens jongmense baie geestelik kan groei en ontwikkel d.m.v. verskeie werkswinkels en aktuele onderwerpe wat behandel word.



Ons wil graag 'n groot groep jongmense saamneem en wil nou al ouers en voogde aanmoedig om te begroot vir R470 kampgeld en R60 busgeld. Enige borgskappe vir leerders is ook baie welkom.

Die kampeerders geniet 'n veilige kamp-by-die-see-ervaring met professionele bedieningsleiers.

Inskrywingsvorme is by mnr. Schlechter beskikbaar of ouers kan aanlyn by Facebook/Twitter en ec@imagine.co.za inligting bekom.

5. **ATKV-Boeresport:**

Die ATKV-R62-Kamerade bied vanmiddag om 15:00 boeresport op die rugbyveld aan. Daar gaan 'n snoepie wees. Almal is welkom.

6. **Sportnuus:**

- Uitslae: LS Sarah Baartman-atletiekbyeenkoms: Vrydag, 16 Februarie:

Die volgende plekke is behaal by bogenoemde byeenkoms:

Eerste plekke:

Laura-Lee Pieterse	80m
Sanmari Potgieter	VS
Alverique Krige	80mH

Tweede plekke:

Sanmari Potgieter	100m; 200m
Taryn Uithaler	HS
Elri van Jaarsveld	150mH
Denique Ferreira	DG
Laura-Lee Pieterse	70mH
Alverique Krige	100m

Derde plekke:

Alverique Krige	200m
Chantelle Hendricks	DG
Laura-Lee Pieterse	100m
Lara Goncalves	200mH
Marcus Aucamp	DG; SG
Elri van Jaarsveld	75mH; HS
A.J. Theron	HS
Olivier Kritzinger	DG
Pieter Strydom	SG

Ons is baie trots op die volgende atlete wat kwalifiseer om aan die Oos-Kaapproewe in Cradock te gaan deelneem. Baie geluk.

D 0/11:Laura-Lee Pieterse	80m ; 70mH
D 0/12:Elri van Jaarsveld	150mH
D 0/13:Taryn Uithaler	HS
D 0/13:Sanmari Potgieter	VS [nuwe rekord] 100m en 200m
S 0/13:Alverique Krige	100m ; 80mH

Ons is baie trots op Laura-Lee Pieterse, Elri van Jaarsveld, Taryn Uithaler, Sanmari Potgieter en Alverique Krige wat kwalifiseer om aan die Oos-Kaapproewe in Cradock te gaan deelneem. Baie geluk.

- Koukamma-atletiekbyeenkoms:

Baie geluk aan Coert Vorster wat tydens die Koukamma-atletiekbyeenkoms 'n rekordafstand van 11,83m in gewigstoot behaal het. Sy naam is per abuis in die vorige nuusbriëf uitgelaat. Ons vra om verskoning vir die fout.

- Tennis:

Baie geluk aan die hoërskoolmeisies en -seuns wat hul ligawedstryde teen HS Westview en HS Pearson gewen het.

Volgende week se wedstryde vind soos volg plaas:

Dinsdag, 27 Februarie:	Meisies:	vs Willow	(weg)
Donderdag, 1 Maart:	Seuns:	vs Nico Malan	(tuis)

- Krieket:

Uitslae:

1ste span verloor met 1 lopies teen Theodor Herzl.

Volgende week se wedstryde vind soos volg plaas:

Maandag, 26 Februarie:	1ste span vs Paul Sauer	(weg)
Dinsdag, 27 Februarie:	0/11 vs Hankey	(weg)
Woensdag, 28 Februarie:	1ste span vs Daniël Pienaar	(weg)
Donderdag, 1 Maart:	0/13 vs Gamtoos	(weg)

Volgende week vind die laaste krieketwedstryde en –oefening vir die kwartaal plaas.

- Rugby:

Rugbyoefening vir hoërskoolseuns vind van volgende week af op Dinsdae- en Donderdae-middae plaas.



Botes Gresse

Skoolhoof: Hoërskool McLachlan

Posbus 3, Joubertina, 6410

Oos-Kaap, Suid Afrika

Tel: +27 (0) 42 273 1335

Cell: +27 (0) 82 578 3039

Fax: +27 (0) 42 273 1210



Hoërskool McLachlan

INTERNET
GENERATION



McLachlan Internet Fasiliteit Borg